



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus I. De Dominica I. Januarij, nec non de Dominica Epiphaniam
subsequente, &c.

urn:nbn:de:hbz:466:1-39937



PARS PRIMA,

Continens

SINGVLARIA

Dominicarum, ac Feriarum, nec non Festorum quorundam (*mobilium*) in quibusdam illarum celebrari solitorum.

TITULUS I.

De *Dominica I. Januarij*, nec non de *Dominica Epiphaniam* subsequente, &c.

Dominica I. Januarij vacat, si in eam cadat *Festum Circumcisionis*, aut *die Octava S. Stephani Protomart.* aut *S. Joannis Apost.* aut *Ss. Innocentium M. M.* aut *Vigilia Epiphania*, aut ipsum *Festum Epiphania*, uti dicitur P. II. hujus Ephemerologij.



Vigilia Epiphaniae cadens in *Dominicam* non anticipatur ad praecedens *Sabbatum*, sed celebratur die suo, ut aliis; nimirum *al. Tit. XI.* ratione nimirum *Dominica* occurrentis, quantumvis anno illò *hac Vacet*, ut paulò antè dictum, & pluribus dicitur P. II. die 5. Jan. Ubi reliqua ad *Vigilia Epiphaniae* celebrationem pertinentia declarantur.

quòd in *Missa Vigiliae* tunc dicitur.

Si

Si Epiphania venerit in Sabbato, tunc in 2. Vesperis illius fit commemoratio Dominica infra Octavam Epiphaniae cum Antiphona ad Magnificat: *Remansit, &c.* Vers. *Omnes de Saba, &c.* Orat. *Vota &c.* uti habetur in Sabbato infra Octav. Epiph. Rubric propr. post 2. Vesp. Epiph.

Dominica cadens in diem 6. Januarij, hoc est, in Festum Epiphaniae, anno illo Vacat juxta jam dicta, & dicenda, fit tamen tunc Sabbato sequente de Dominica I. post Epiph. modo post referendò.

Infra Octavam Epiphaniae si occurrat Festum duplex, vel semiduplex, transfertur id post Octavam (nisi fuerit Festum Patroni, vel Titularis Ecclesiae, vel Dedicationis ejusdem) de simplicibus verò infra Octavam hanc occurrentibus fit tantum commemoratio; tum quia in Rubrica particulari Octavae illi praefixa (ac loquente non tantum de unico illo Festo simplici, quod 11. Januarij in Ecclesia universalì infra hanc Octavam occurrit, sed de Festis simplicibus in plurali, seu universaliter ac absolute) solius faciendae de simplici occurrente suis locis commemorationis, non autem dicendae etiam nonae de eo Lectionis fit mentio; tum quia Directoria quoque Particularia diversarum Dioceseon à me inspecta simplicibus Festis infra hanc Octavam occurrentibus nunquam propriam Lectionem, sed

commemorationem duntaxat in Officio assignant, quod signum mihi est, infra Octavam hanc de simplicibus non solere ex Ecclesiae more nisi solam fieri commemorationem, non obstantem, quòd tamen pro Lectione propria de S. Hygino, quam etiam de Sanctis dictarum Dioceseon, non minus amplam materiam, quam pro proprijs Lectionibus simplicium, mox post Octavam Epiphaniae occurrentium, Ecclesiastica Historia, ac Sanctorum Gestis authentica subministrarent: sed haec salvo meliori aliorum judicio.

Quomodo verò ordinandum sit Officium infra hanc Octavam, dicitur infra P. II.

Sabbatò infra Octavam Epiphaniae (nisi Epiphania venerit in Dominica) à Capit. fit de Dominica infra Octavam Epiph. ut ibi notatur, cum Commemoratione Epiphaniae per Antiphonam, quae occurrit secundum ordinem Dierum infra Octavam, & Versum: *Omnes de Saba venient, Alleluja, &c.* nisi dicta sit Antiphona: *Omnes de Saba venient, &c.* (uti contingit, si Sabbatum illud incidat in quintam diem infra Octavam Epiphaniae) tunc enim locò Versus: *Omnes de Saba venient Alleluja, &c.* dicitur *Adorate Deum, Alleluja, &c.* *Omnes Angeli ejus, All. ut ibi.*

Dominica infra Octavam Epiphaniae, seu Prima post Epiphaniam, in quamcunque diem Octavae ea inci-

derit (nisi Festum Epiphaniæ venerit in Dominica) Officium totum dicitur de Epiphaniæ, præter Lektionen, Capitula, & Antiphonas tum ad *Benedictum*, tum etiam ad *Magnificat*, nec non *Orationem*, quæ dicuntur de *Dominica infra Octavam*, cum Commemoratione de Epiphaniæ, in utroque Vesperis, Laudibus, ac Missa, ut ibi: in I. verò Nocturno tunc ponitur Epistola 1. ad Corinthios, quæ exstat in Breviario post Octavam Epiphaniæ sub Titulo: *Dominica I. post Epiphaniam, quæ est infra Octavam* (atque de ea legitur etiam sequentibus diebus, Lectionibus, quæ aliquando supersunt de Epistola ad Romanos, eò annò prætermittis) in II. & III. Noct. autem leguntur tunc Lect. positæ ibidem in *Domin. infra Oct. Epiph.* In Missa [quæ incipit *In excelso throno*] dicuntur tant. Or. *Gav. To. I. P. 4. Tit. 3.*

Quòd si dies Octava Epiphaniæ incidat in Feriam 2. tunc pro Commemoratione Dominicæ in 1. Vesperis diei Octavæ dicitur Versus: *Omnes de Saba venient Alleluja, &c.*

Post Dominicam infra Octavam Epiphaniæ (quando Epiphaniæ non incidit in diem Dominicam) continuantur dies octavæ eodem numero, quo notantur, perinde, ac si Dominica non intercessisset, modò inferius P. I. die 7. Januarij exemplificandò.

Quando autem Epiphaniæ ve-

nit in *Dominica*, tunc Sabbato sequenti (id est proxime diem octavam Epiphaniæ præcedente) nisi in illud incidat alicubi *Festum Patroni*, aut *Titul. Ecclesiæ* vel hujus *Dedic. Offic.* cum Missa fiet de *Dominica infra octavam Epiphaniæ* in hunc modum: Feria VI. Sabbatum illud præcedente Vesperæ à Capitulo dicentur de *Dominica* cum Commemoratione *Octavæ*: pro Officio autem Sabbati subsequenti in I. Nocturno Matutini Lectiones sumentur ex *Epistola ad Romanos*, ut ibi, *Epistola* verò ad *Corinthios* tunc primum ponitur ipsa die *Dominica* in officio *Octavæ*, idque ex ordinatione Gelasij Papæ; eò quòd *Initia Librorum S. Scripturæ*, quoad ejus fieri potest (inquit Gavantus) magè congruant diei *Dominicæ*, quæ est initium Hebdomadæ, quàm *Sabbato* (ad quod tunc anticipatur *Officium Dominicæ*) aut alteri diei. Lectiones II. & III. Nocturni, ac reliqua *Dominicæ* infra Octavam propria, dicuntur pariter ut ibi; Cætera verò, uti infra octavam Epiphaniæ usque ad Vesperas illius Sabbati exclusivè: hæc enim, quando Epiphaniæ venit in *Dominicâ*, integræ dicuntur illò Sabbatò de *die octava Epiphaniæ* sub Ritu *duplici*, recitando omnia, uti in 1. Vesperis Epiphaniæ, excepta *Oratione propria* (*Deus cuius unigenitus, &c.*) quæ dicitur, uti notatur in die octava Epiphaniæ, cum

Commemoratione Dominicæ infra octavam : Cætera verò (etiam octavam, eò Sabbatò celebratæ, per Antiphonam : *Fili quid fecisti, &c. V. Omnes de Saba, &c.* Oratio : *Vota quasumus Domine, &c.* juxta mox amplius declaranda. Itaque

Si dies octava Epiphaniæ venerit in Dominica, nihil fiet de Dominica in ipsa die octava Epiphaniæ, sed tantum in 1. Vesperis diei octavæ Epiphaniæ (quæ, excepta oratione propria, dicentur sicut in 1. Vesperis Epiphaniæ) fit sola Commemoratio pro secundis Vesperis Dominicæ infra Octavam, utpote de qua celebratum fuerat Officium eo die, nisi in eo occurrerit Festum Patroni, aut Titularis Ecclesiæ, vel hujus Dedicatio, de quo casu, ac ordinando tunc officio vide infra P. II. die 12. Januarij : fit autem Commemoratio illa de Dominica juxta paulò antè dicta per Antiphonam, *Fili quid fecisti, &c.* & Versum : *Omnes de Saba, &c.* Qui versus etiam dicitur, quando Octava Epiphaniæ venerit in Feria 2. pro Commemoratione Dominicæ in primis Vesperis diei Octavæ, ut supra annotatum.

Quando Dies Octava Epiphaniæ venerit in Dominica, tunc ea Dominica juxta sæpiùs dicta Vacat, atque ad eò in ipsa nihil fit de Dominica, sed totum officium fit de die octava Epiphaniæ recitando ad Matutinum (ut suò locò dicitur) Invitatorium, Hymnum, & Psalmos, uti

infra octavam : Cætera verò (etiam Responsorium 1. *Hodie in Jordane*) sicut in die Epiphaniæ, præter Orationem, & Lectiones : nam in I. Nocturno ponitur tunc *Initium Epistolæ 1. ad Corinthios*, & legitur de ea etiam sequentibus diebus. In II. & III. Nocturno autem dicuntur ea, quæ die octava Epiphaniæ pro 2. & 3. Nocturno assignantur in Breviario Romano die 13. Jan.

Quæres : Cur, quando Epiphania occurrit in Dominica, de Dominica infra octavam Epiphaniæ fiat prædictò modò in Sabbato præcedente diem octavam? An non enim (inquiet Nonnemo) satis foret in ipsamet die Octava, quæ occurrit in Dominica, facere quidem officium de die Octava, de Dominica autem 1. post Epiphaniam facere solummodo Commemorationem cum 9. Lectione de Dominica 1. post Epiphaniam; sic enim (perinde ac in alijs duplicibus per annum, occurrentibus in aliqua Dominica, fieri solet) & *Diei Octavæ*, & simul *Dominicæ 1. mæ* satis fieret. Verùm respondet Gavantus : id eò fieri, ne ordine perverlo vitæ Christi, quæ ab Ecclesia repræsentatur in officio Divino per totum annum, Christus legatur trigelimum annum agens, antequam repræsentetur duodennis; nam si in die Octava, quæ habet Evangelium de Baptismo Christi, fieret Commemoratio de Dominica

1. ma post Epiphaniam, quæ habet Evangelium de Christo duodenni, tam in Officio, quàm in Missa, legeretur prius Evangelium de die Octava, quàm de Dominica, quod esset inconueniens, & ordo peruersus: fiat ergo (inquit) officium de Dominica in Sabbato, in qua Christus est duodennis; deinde sequenti die fiat de die Octava, in qua est tricenarius, & sic ordo seruetur historicus Vitæ Christi. Cur autem Lectiones Epistolæ 1. ad Corinthios ex Decreto Gelasij Papæ ponantur tunc primum in ipsa Dominica 1. ma post Epiphaniam, non autem in officio Dominicæ, si de hoc fiat in

Sabbato, dat supra allatam rationem: Quia nempe *Initia Librorum Scripturæ*, quoad ejus fieri potest, magis congruunt *Diei Dominicæ* (quæ est *Initium* Hebdomadæ) quàm alijs diebus &c.

Quando dies octava Epiphaniæ venerit in Feria 2. pro Commemoratione Dominicæ in 1. Vesperis diei octavæ Epiphaniæ: dicitur Versus: *Omnes de Saba venient, Alleluja*, ut sæpius jam annotatum.

Quando denique dies octava venerit in Sabbato, in 2. Vesperis diei octavæ fiet Commemoratio Dominicæ II. post Epiphaniam.

TITULUS II.

De Sabbatis post Octavam Epiphaniæ usque ad Septuagesimam generatim.

SABBATO PRIMO post Octavam Epiphaniæ, uti & reliquis deinceps Sabbatis usque ad Quadragesimam (nisi occurrat Festum 9. Lectionum, aut Vigilia, aut fieri debeat de Feria, propter officium *alicujus Dominicæ*, infra hebdomadam ponendum, juxta Rubricam de Dominicis (ut partim jam dictum, partim paulò post dicetur) fit officium de S. Maria hoc modo: In Vesperis Feriæ 6. tæ dicuntur Psal. Ferial. in Psalt. pro ea

positicum suis Ant.; à Capitulo autem fit de S. Maria in Sabb. uti suò locò post Commune SANCTORUM notatur, nisi Feriâ illâ sextâ fuerit Festum 9. Lectionum: tunc enim de S. Maria fit tantum Commemoratio in prædictis Vesperis, cum Antiphona, Versiculo, & Oratione, ut ibi: quæ tamen Commemoratio omittitur, quando Feriâ sextâ occurrat Festum Purificationis, vel aliud ejusdem *B. V. M. Officium*. Post Orationem (quæ, uti & Antiphona;

A 3

va-